

玉

海

25006

六十七

玉海卷第一百三十五

浚儀王應麟伯厚甫

官制

褒功 紹封

古者人臣功有五品以德立宗廟定社稷曰勳以
言曰勞用力曰功名其等曰伐積曰閼

周司勳 功書

夏官司勳

上士二人下士四人

掌六卿賞地之灋以

等其功王功曰勳

若周公

國功曰功

若伊尹

民功曰庸

若后

稷

事功曰勞

若禹

治功曰力

若咎繇

戰功曰多

若韓信

凡

有功者銘書於王之大常祭於大烝司勳詔之大功

司勳藏其貳

注功書藏於天府又副於此者以其主賞大史公曰功有五品勳勞功伐閭

夏秋官司約

下士二人

掌治功之約

注王功國功之屬

凡大

約劑書於宗彝小約劑書於丹圖

左傳宮之奇曰

勳在王室藏於盟府

正義二虢之勳藏在盟府者凡諸侯初受封爵必有盟誓之言

及行飲至舍爵策勳

注既飲置爵則書勳勞於策言速記有功也

書洛

誥記功宗以功作元祀丕視功載注視羣臣有功者

記載之有大功則列爲大祀疏或時立其祀配享廟

庭亦是也

周武王封功臣

周頌賚大封於廟也箋武王封諸臣有功者正義謂文王之廟也祭統曰賜爵祿於太廟示不敢專皇甫謐云武王伐紂之年夏四月己卯祀於周廟將率之士皆封諸大國四百人兄弟之國十五人同姓之國四十人樂記將率之士使爲諸侯是大封也昭二十年左傳武王克商光有天下兄弟國十五人姬姓國四十人書武成克殷反祀於周廟列爵惟五分土惟三皆大封之事樂記武王克殷未及下車而封勳祝陳下車而封杞宋未及下車雖有命封之必至廟受策乃成封亦在此大封之中史記武王作武成

封諸侯班賜宗彝追思先聖王乃褒封神農之後於
焦黃帝之後於祝帝堯之後於剡

剡祝焦無聞焉

舜之後於

陳大禹之後於杞於是封功臣謀士而師尙父爲首

封封尙父於營丘曰齊封弟周公旦於曲阜曰魯封

召公奭於燕封弟叔鮮於管叔度於蔡餘各以次受

封十漢功臣表杜業曰成王察牧野之克顧羣臣之

勤知其恩結民心功光王府故述先父之志錄遺老

之策高其位大其寓愛敬飭盡命賜備厚是以燕齊

之祀與周並傳子繼弟及歷載不墮

秦蒞于越曰殷周之王封子弟

功臣千有餘歲

漢通侯籍

高紀五年九月利幾者項羽將為陳令降上侯之穎

川上至雒陽舉通侯籍召之而利幾恐反

應劭曰舊曰徹侯避

武帝諱張晏曰後改為列侯

諸侯王表五年九月

前有楚韓王信長沙王吳芮淮安王英布燕王盧綰

梁王彭越韓王

信趙王張敖

傳沛公為漢王曹參封建成侯

破

三秦賜食邑壹秦定魏地賜食邑平陽

樊噲臨武侯

夏侯嬰昭平侯張良成信侯周勃威武侯

定三秦賜

食邑懷德

酈商信成君

賜食邑武成六千戶益食四

千戶

灌嬰昌文侯

食杜平鄉

傅寬共德君

賜食邑雕

陰

賜爵通德侯靳歙建武侯周緤

賜食邑池陽

韓信曰以天下城邑封功臣何不服

漢剖符封功臣

高紀六年十二月甲申上還至雒陽始剖符封功臣

曹參等爲通侯

注合符而分授之

上已封大功臣三十餘人

其餘爭功未得行封

雍齒以前已封二十六人張良傳云二十餘人

上居雒

陽南宮從複道上見諸將偶語以問張良

云云

三月

上置酒封雍齒

表正月戊午因趣丞相急定功行封

與功臣剖符作誓

丹書鐵契金匱石室藏之宗廟

史記六年十二月

論功與諸列侯剖符行封

今考世家及傳其言剖

符世世勿絕者曹參平陽陳平戶牖周勃食絳樊噲

食武陽酈商食涿郡夏侯嬰汝陰灌嬰潁陰傅寬陽

陵靳歙武信諸侯王剖符而封

英布韓王信欒布傳封王剖符受封欲傳

之萬

夷狄剖符而封

十一年五月尉佗陸賈說佗曰遣臣授君印剖符通侯敘傳爰

世泊朝鮮燕之外區漢興柔遠與爾剖符

雖高祖元功輔臣股肱剖符而

爵澤流苗裔則見於太史公年表之自敘與功臣剖

符作誓丹書鐵契則見於班氏高紀之贊剖符世爵

受山河之誓則見於杜業之納說受命之初贊功剖

符則見於功臣表之述還至雒陽與功臣剖符定封

見於陳平傳王吸召歐薛歐陳滎陳嬰雖同甲申之

封而傳無剖符之事張良爲謀臣然封於正月丙午

亦無剖符之言 功臣表六年十二月甲申封平陽

曹參 信武 靳歙 汝陰 夏侯嬰 清河 王吸 陽陵 傅寬 廣

嚴 召歐 廣平 薛歐 博陽 陳漣 堂邑 陳嬰 曲逆 陳平 凡

十人正月丙午封留 張良 射陽 劉纏 鄼 蕭何 絳 周勃

舞陽 樊噲 曲周 酈商 潁陰 灌嬰 汾陰 周昌 梁鄒 武虎

成 董漂 蓼 孔聚 費 陳賀 陽夏 陳豨 凡十三人正月丁

未隆慮 周竈 戊申陽都 丁復 王子陽 信侯 呂青 戊午

東武 郭蒙 什方 雍齒 三月丙申棘蒲 陳武 庚子都昌

朱軫 武彊 嚴不識 賁 合傳 胡害 海陽 搖毋餘 南安 宣

虎 肥如 蔡寅 曲成 蟲達 河陽 陳涓 合三十七人四月

癸未封敬市六月丁亥封柳丘魏其祁平七月庚寅
封河陵昌武戊戌封高宛宣曲終陵八月丙辰有東
茅斥丘之封甲子有臺定安國樂成辟陽蒯成安平
之封丁丑有北平之封若淮陰范魯城父任棘丘高
胡厭次之封皆在六年而逸其月日

六年所封自平

陽至厭次侯爰類凡六十四人

自平臯

劉宅

至平棘

林摯

十一人封於七年深澤

趙將夕

至龍陽

陳署

十

八人封於八年以至九年封平侯

張瞻師

以下六人

十一年封東陽

張相如

以下十九人十二年封中牟

單右車

以下十九人

高祖順斗極運天關橫鉅海

票崑崙提劍而叱之麾城擗邑下將降旗一日之戰
不可殫記鞮鍔生蟣蝨介冑被沾汗以爲萬姓請命
虐皇天規億載恢帝業七年之間天下密如也樊鄴
曹灌攜劍摧鋒從高皇帝墾蕞除害耘鋤海內敘傳
雲起
龍驤化
爲侯王

漢十八侯位次 元功十八人位次 論

功定封 列侯位次簿

漢功臣表自古帝王之興曷嘗不建輔弼之臣所以
其成大功者乎漢興自秦二世元年之秋楚陳之歲
初以沛公總帥雄俊三年而後西滅秦立漢王之後

五年東克項羽卽皇帝位八載而天下乃平始論功

而定封訖十二年侯者百四十有三人

表增十八人

時大城

名都民人散亡戶口可得而數裁十二三是以大侯

不過萬家小者五六百戶封爵之誓曰使黃河如帶

泰山如厲國以永存爰及苗裔於是申之以丹書之

信重之以白馬之盟又作十八侯之位次

孟康注曰唯作元功

蕭何等十人位次耳高后乃詔作位次下竟師古曰

謂蕭何曹參張敖周勃樊噲酈商奚涓夏侯嬰灌嬰

傳寬靳歙王陵陳武王吸薛歐周昌丁復蟲達從第

一至十八也史記正義載姚察說同史記正義

云楚漢春秋無奚涓薛歐有韓欽

陳潰而王吸爲王崇丁復爲丁侵

鄼文終侯蕭何位次第一平陽懿侯曹參二宣平武侯張敖三絳武侯

周勃四舞陽侯樊噲五曲周侯酈商六魯侯奚涓七
汝陰文侯夏侯嬰八潁陰懿侯灌嬰九陽陵景侯傅
寬十信武肅侯靳歙十一安國武侯王陵十二棘蒲
剛侯陳武十三清河定侯王吸十四廣平敬侯薛歐
十五汾陰悼侯周昌十六陽都敬侯丁復十七曲成
圉侯蟲達十八表位次自平陽懿侯曹參至鹵嚴侯
張平第四十八高祖一百四十七人

孟康注曰曹參位第二而表在

首蕭何位第一而表在十三以封前後故也晉庾峻曰以張良之勳而班在叔係之後師古曰張耳及敖並無大勳蓋以魯元之故呂后曲升之顏游秦云高祖自云得天下由張良稱其才也敘位乃以曹參次蕭何校其勤也至如戶數多寡或以才德或以功勞亦無定也故稱蕭何位第一戶唯八千張良食萬戶

而位過六十
他皆類此

大事記高帝六年三月書定功行封

又作元功十八人位次

以史記本紀
監年表修

張敖以高帝九

年四月廢王爲侯蓋今年有詔作元功十八人位次

及位次之定乃在九年以後也自十九以下皆陳平

所定平之第在四十七留侯之定在六十二蓋不欲

與功臣爭先高帝時先後略有定次高后世特因其

舊而銓品之耳

漢表載位次
鄼文終蕭何終於第百三十七

史記表載侯第第一
陸量

侯渙無詔以爲列侯自置吏受令長沙王
漢表孝惠高后者六人有位次史記削之

史記世

家列侯畢已受封及奏位次皆曰曹參第一鄂千秋

進曰

云云

蕭何第一曹參次之

本傳論功行封羣臣
爭功歲餘不決上以

何功最盛先封爲鄼侯

史記索隱曰姚氏云十八侯史記與

漢書表同而楚漢春秋則不同者陸賈記事在高祖惠帝時漢書是後定功臣等列及陳平受呂后命而定或已改邑號故人名亦別且高祖初定唯十八侯呂后令陳平終竟已下列侯第錄凡一百四十三人也史記正義曰顧脢云高祖止定十八侯呂后令陳平終竟第錄按高祖定十八侯陳平定一百一十九侯凡一百三十七人八人孝惠高后封功臣凡一百四十三人一百二十九預侯第十四人不預有臯及西漢改封王列侯及建武而存者平陽建平富平爰戚高昌歸德

義成長羅

漢魏文章班固泗水亭碑十八侯銘

良有

平紀通而無奚涓薛歐丁復

陳張畫策蕭勃翼終出爵褒賢列土

封功敘將十八贊述股肱休勳顯祚永永無疆鄼侯

何將軍舞陽侯樊噲將軍留侯張良

表位次六十二

大尉絳

侯周勃相國平陽侯曹參丞相戶牖侯陳平

表位次四十七

南宮侯張敖

表作宣平

衛尉曲陽侯酈商將軍潁陰侯灌

嬰將軍陽陵侯傅寬將軍武信侯靳歙丞相安國侯

王陵將軍襄平侯紀通

表位次六十六

將軍棘津侯陳武御

史大夫汾陽侯周昌曲成侯蟲達將軍青陽侯王吸

表作清河

文選陸士衡漢高祖功臣頌蕭何曹參張良

陳平韓信彭越黥布張耳韓王信盧綰吳芮劉賈王陵周勃樊噲酈商夏侯嬰灌嬰傅寬靳歙劉敬酈食其陸賈叔孫通魏無知隨何三老董公轅生紀信周苛侯公三十一人

表究其本末并敘位次陽陵侯傅寬位次曰武忠侯曲成圉侯蟲達位次曰夜侯平悼侯工師喜位次曰聊城侯猗氏敬侯陳遯位次曰長陵侯上軍式侯宣義位次曰信成侯注師古曰漢列侯位簿有諡號姓名與史記不同者表則具載史記十二諸侯年表以下以地爲主故年經而國緯所以觀天下之大勢